

Poštovana ministrica odbrane gospođo Pendeš,

Uvaženi,

Parlamentarni vojni povjereniče gospodine Šiljegović,
Predstavnici Parlamentarne skupštine BiH, Tužilaštva BiH, i državnih agencija
Komandante EUFOR u BiH, generale Dorfer,
Komandante NATO štaba u Sarajevu, generale Bissell
sekretaru i rukovodioci organizacijskih jedinica MO BiH,
gospodo generali, komandanti komandi i jedinica,
cijenjeni vjerski službenici,
inspektori MO i OS BiH,
dame i gospodo

I ove godine kao i prethodnih, želim da iskažem zadovoljstvo što se organizuju ovakvi događaji koji pomažu da budemo informisani o radu, dostignućima i iskustvima, za Oružane snage BiH, jednog veoma značajnog segmenta odbrambenog sistema.

Čvrsto vjerujem da će adekvatno prepoznavanje izazova sa kojima se odbrambeni sistem danas suočava kao i eventualna rješenja istih biti rezultante ove konferencije.

Naravno da bi se to ostvarilo potrebno je da svi akteri današnje konferencije daju svoj doprinos ka pravilnom definisanju, ako ne svih onda većine izazova koji će biti predstavljeni kroz današnju analizu rada generalnog inspektorata MO BiH.

Ova konferencija će prvenstveno kroz analitički pristup obezbijediti potpuno sagledavanje svih pokazatelja angažovanja GI MO BiH na širenju svijesti o profesionalnoj kulturi unutar OS BiH.

Institucija Generalnog Inspektora obavlja svoje zadatke poštujući i uvažavajući obaveze proistekle iz državne Strategije za borbu protiv korupcije 2015-2019, sa čijom se primjenom nastavlja i u daljnjem radu.

Analitički podaci koje je Generalni Inspektorat dostavio u svom godišnjem izvještaju pokazuju da Generalni inspektorat Ministarstva odbrane BiH sprovodi svoju misiju na jedan profesionalan način, što se reflektovalo na jačanje integriteta, transparentnosti i odgovornosti kao i smanjenju rizika od korupcije u odbrambenom sistemu.

Iako je Generalni inspektorat organizaciona cjelina Ministarstva odbrane, prisustvo pripadnika te organizacije na svim nivoima komandovanja je od nemjerljivog značaja te također uljeva osjećaj sigurnosti i povjerenja među pripadnike Oružanih snaga BiH.

S tim u vezi, želim da naglasim da će Generalni inspektorat, odnosno cjelokupni sistem inspektora imati punu podršku svih nivoa komandovanja i kontrole u Oružanim snagama BiH a u cilju naše podrške realizaciji zadataka iz nadležnosti propisanih Zakonom o odbrani Bosne i Hercegovine, sa posebnim fokusom na oblast etike i profesionalizma unutar MO i OS BiH.

Obzirom da su jačanje integriteta, transparentnosti i odgovornosti te smanjenje rizika od korupcije u nadležnosti Generalnog inspektorata, očekujem da će Generalni inspektorat u narednom periodu još više raditi na implementaciji mjera izgradnje integriteta ali i na spriječavanju pojave eventualne korupcije u svim dijelovima odbrambenog sistema kao jednog od najrazornijih faktora bilo kojeg sistema ili organizacije.

Naravno, bitna stavka u izgradnji i jačanju integriteta pripadnika OS BiH predstavlja i rad na uvećanju plaća pripadnika OS BiH, poboljšanje uslova života i rada te dostupnost resursa za potrebe pripadnika OS BiH.

Nezamjenivu ulogu u svemu ovome ima lanac komandovanja i kontrole koji se mora dodatno jačati kako bismo bili spremni da se nosimo sa sadašnjim i budućim izazovima.

Bitno je naglasiti da je veoma važno nastaviti na aktivnostima koje pridonose dosljednom poštivanju Zakona o odbrani BiH i Zakona o službi u OS BiH koji su od ključnog značaja za jačanje sistema ali i integriteta i borbe protiv korupcije.

U pogledu navedenog, cijenim veoma bitnim naglasiti da je neophodno da se svi u odbrambenom sistemu upoznaju sa vizijom NZS OS BiH za period 2019-2023 koju sam nedavno potpisao i da realizacijom ciljeva definisanih u navedenom dokumentu uveliko možemo doprinijeti jačanju sistema ali i integriteta i borbi protiv korupcije.

Na kraju, želim iskoristiti priliku da pozovem sve prisutne iz sastava Oružanih snaga Bosne i Hercegovine da zadrže kontinuitet saradnje sa Generalnim inspektoratom Ministarstva odbrane Bosne i Hercegovine te da svi zajedno budemo pokretačka snaga u implementaciji integriteta, borbe protiv korupcije, izgradnje profesionalizma i promociji etičkih standarda a sve u cilju jačanja odbrambenog sistema.

Generale Ahmicu, gospodo inspektori, nadam se da ćete kvalitetno prepoznati postojeće kao i predstojeće izazove, te da ćete se profesionalno, zajedno sa svima nama u odbrambenom sistemu, suočiti sa istim i naravno adekvatno odgovoriti na njih.

U svakom slučaju, želim vam uspješan nastavak rada tokom današnje konferencije.